

الشعب السالك في الظلمة أبصر نوراً عظيماً  
والمقيمون في بقعة الظلام أشرق عليهم النور (أشعيا 9:1)

بليلة بردانة والعم فيهما مغطا الدني، بشعة كثير بنظر الأنسان عتمتها،  
وبرداتها عم يحاولو انو يفوتوا لجوا على أعماقو، بس فشرو.  
بهيديكي الليلي نور من الظلمة سطع، ودفا غير طبيعي إجا،  
هيدا النور لكل الناس بس مش كل الناس قبلت فيه، والدفا حاول يزور كل قلب بس كمان ويا للأسف  
كتار ما رصيو يفتحولو الباب.

يا هالطفل الموجود بس من شوي انت نفسك موجود من الأبد

يا هالطفل اللي ما عندك حدا انت قلبك سايع كل الدني

يا هالطفل الجوعان اللي بتشبع كل انسان

يا هالطفل العطشان اللي بتروي كل عطشان

يا هالطفل اللي ما بتحكي وانت الكلمة الأزلية

يا هالطفل الضعيف اللي فيك كل واحد بيوجد قوتو

يا هالطفل الفقير اللي فيك كل الغني

يا هالطفل البردان اللي فيك كل الدفا

يا هالطفل الصغير بقلب المعلف سايعك، انت يلي ما بيقدر يحتويك الكون كلو،

يا هالطفل اللي بحاجة إلنا نحنا اللي ما إلنا وجود من دونك،

عن جد عجيب أمرك!!!

بتسمحلي عنيك؟؟؟

يا كلمة الله اللي صارت انسان، يا كلمة الفرح لكل فقير، يا كلمة الرحمة لكل خاطي، يا كلمة الشفاء

لكل مريض، يا كلمة التعزية لكل محزون، يا كلمة خلقت الكون، يا كلمة حب عبرت قلوبنا ومن

خلالها راحت تزور كل قلب،

عن جد عجيب أمرك!!!

يا هالنور اللي زار العالم، يا هالنور اللي ببيضوي كل عتمة، يا هالنور اللي بيهدي كل ضايع،

يا هالنور اللي بيفتح عيون كل أعمى، يا هالنور اللي بيحمل أمل وفرح لكل يائس ومحتاج

عن جد عجيب أمرك!!!

يا هالحياة اللي بتتعش كل خليفة، يا هالحياة اللي بتبعث من الموت، يا هالحياة اللي بتعطي رحمة،

يا هالحياة اللي بتغلب الخطية،

عن جد عجيب أمرك!!!

كثرت عليك الحكي؟؟؟ اعذرني لأنني ما فيني حبي حبي، ومثلك علمني انو شعشع بكل ظلمة،

وإزرع حب بكل قلب، وأحصد أمل بكل يوم واشهد لميلادك

الك المجد يا رب المجد

صوت الراعي

الأب توفيق بو مرعي الفرنسيكاني